

# **Landesbibliothek Oldenburg**

**Digitalisierung von Drucken**

**Sebastiani Castellionis Sacrorvm Dialogorum Libri  
Qvatvor, Qvos Postremo Ipse Recognovit: Argvmenta  
Singvlis Dialogis Praeposvit, Et Sententias Svbiecit ...**

**Châteillon, Sébastien**

**Francofurti, 1761**

**VD18 12886300**

Josephvs Captivus

**urn:nbn:de:gbv:45:1-18303**

mercatores quosdam venientes. Vultis auscultare mihi? Quid profuerit nobis cruenta cædes fratris nostri? Vendamus eum potius Ismaelitis, quos videtis venientes. Ne afferamus hostiles manus fratri: abstineamus a sanguine. Nam certe frater noster est procreatus eodem sanguine. Agite, finite vos exorari. *I. Recte* ait. *S.* Sed ne forte. *Ju.* Frater, ne metue: amittes eum venditione non minus quam nece. *L.* Ita est. Accedit etiam quæstus ex venditione: quem quæstum amittemus si eum necaverimus. *S.* Sine, fiat. *Ju.* Heus mercatores, vultisne emere puerum quendam elagantem? *M.* Fortasse: fac videamus. *Ju.* Extrahite eum e puteo, empturi sunt. *Jo.* Nunc quidem mihi pereundum est, video: extrahor ad cædem. *Ju.* Ne trepita, non necaberis, sed venderis. En vobis puerum lepida forma. *M.* Hercle bellum, & ingenuum, Quanti eum indicatis? *Ju.* Triginta argenteis. *M.* Accipimus. Accipite pecuniam.

## SENTENTIA.

*Invidia homines impellit ad quodvis facinus.  
Et Deus suos non equidem deserit, sed ut exploret,  
in extremos angores venire patitur.*

JOSEPHVS CAPTIVUS. Gen. 40.

## ARGVMENTVM.

Josephus captivus interpretatur somnia  
Prægustatoris & Pistoris Pharaonis.

*Jose-*

*Josephus, Prægestator Pharaonis, Pistor.*

**Q**uid accidit, ut hodie vultu sitis adeo inæsto?  
*P.* Somniavimus uterque, & a) caremus conjectore. *J.* At habet Deus conjectores. Agite, narrate mihi. *Pr.* Videbar mihi in somnis videre ob oculos vitem, ex qua tres palmites orientur: quæ deinde quasi germinaret, produxit florem, unde uvæ plenæ racemis maturescebant. Erat autem mihi in manu poculum Pharaonis: Itaque cepi uvas, easque in id expressi, deinde tradidi ei in manum. *J.* Hæc est interpretatio: tres palmites, b) tres dies sunt: hinc ad triduum Pharaon jubebit te produci e carcere, restituetque in locum muneris pristinum, flabisque ei ad cyathos, ut ante. Quamobrem ubi adeptus fueris hoc tantum bonum, facito (quæso) ut memineris mei, præstesque mihi hoc beneficium, ut facias mentionem mei apud Pharaonem, meque extrahas ex hac domo. Nam surreptus sum clam ex terra Hebræorum: neque quicquam feci, quamobrem conjicerer in carcerem. *Pi.* Recte sane interpretatus es. Sed audi meum quoque somnium. Tria alba canistra erant super capite meo, in quorum summo inerant Pharaonis omnis generis cibi pistorii, quos inde aves comedebant. *Jo.* Accipe conjecturam. Tria canistra tres dies sunt. Abhinc tres dies jussu Pharaonis securi

a) Nimirum intelligebant somnia interdum divinitus immissa: Id quod verum est: & hodie etiamnum fit, sed super factis aut faciendis, non credendis.

b) Hoc est, pro tribus diebus in somnio sumuntur.

ferieris, atque in crucem tolleris, ubi alites vorabunt  
tuum cadaver.

## SENTENTIA.

*Deus piis arcana detegit: idemque viam ad eo-  
rum salutem sæpe ante præparat.*

## JOSEPHVS. CONIECTOR.

Genes. 41.

## ARGVMENTVM.

Josephus interpretatur Pharaoni duo so-  
mnia, ob eamque causam Pharao præfixit  
eum toti Ægypto.

*Pharao, Josephus.*

Somniavi quiddam, quod nemo mihi potest in-  
terpretatione explicare. Te autem audio  
esse conjectorem somniorum, ideoque te accer-  
sivi. *J.* a) Equidem is sum, per quem Deus  
interpretetur somnium tuum, Pharao. Itaque  
narra. *P.* Videbar mihi adstare ripæ fluminis!  
atque ex eo exierunt septem vaccæ bene habitæ,  
& pulchræ visu, quæ pascebantur in carecto.  
Ecce autem deinde septem aliæ graciles & de-  
formes supra modum, & tenui corpore, quales  
nunquam vidi in Ægypto, quæ devoraverunt  
prioris. Quas cum demisissent in sua viscera,  
tamen id non apparebat: adeo semper inacie  
deformes erant, ut prius. Ego somno solutus  
sum. Deinde rursus oppressus somno, videbar  
videre septem spicas crescentes in uno calamo,  
opimas

a) Recte Deo fert acceptum, quod acceperat a Deo.